

TIME OUT


Talk Show Deportivo cu CLARET LOPEZ

Rudolf Sint Jago Trahamento di boto miniature ta facil?
Na Winston Sotfbol 7:15pm Kibaima Angels vs Digicel Devils
9:00pm Kibaima Giants vs Giants Polar.

AWE

16 AUG.

PA 6:30 PM

15 
ATV

Kende ta bin pa weganan di reino?

Lagami piki riba politiconan y partidonan

Tur dia mi ta ser puntra kico mi ta pensa di e situacion politico actual. Ta mil y un contesta mi ta duna, pero e contesta mas realistico cu mi ta kere cu nos mester tin ta lo siguiente, pero sin cu mi ta tilda ningun partido actual o politico, directamente, pa no bisa cu ta contra tal y tal partido o politico, e comentario aki ta:

MI TIN MIEDO DI MESTER KEDA SIN VOTA

Si mi kier vota, mi ta vota riba Serapio pa parlamentario. Pero mi no por tira mi voto afo, si Serapio ta candidato pa ministro. Mi no kier e como ministro, pero como parlamentario. Mi no por vota pa Serapio pa parlamentario, si e ta riba un posicion cu aunke kico pasa, e no por drenta parlamento. Si mi kier pa Serapio bira ministro, mi no por vota pe si e ta riba un posicion den cual e no por wordo eligi pa ministro. Si e ta nr. 5 y e partido por saca maximo 2 y forma coalicion, Serapio no ta bira ministro. E ta bira coordinador, y e ora ey lo mi ta vota pa e bira coordinador, locual mi no kier.. Mi ta busca otro lista.

Aki mi kier vota riba Clarinda, pero Clarinda pa parlamentario ta den mes situacion cu Serapio di otro lista. E lista aki tambe ta keda un banda. Di e otro lista mi kier vota pa Djogogo, sin importa si ta pa ministro of parlamentario especificamente pasobra e ta capacita pa tur dos puesto. Su posicion riba lista tambe ta haci cu e ta keda afo tanto como ministro como parlamentario, riba e lista aki. Si e tin chens mes di drenta, mi no por vota pe, si e ta bay goberna como ministro hunto cu Panchico, "conoci como bandido y mal bat". (ta pueblo votador no sa esey). Ora mi a caba di core tur lista, ta resulta cu mi no por vota pa ningun partido, sin cu mi ta tira mi voto afo. Mi no ta vota pa ningun parlamentario, ni pa ningun ministro, pasobra esaki no ta stipula ningun caminda. Riba cual cu ta cu mi tira mi voto, e ta un voto tira afo, net pa e partido cu mi no kier. Mi no kier e partido, ta e candidato specifico ey mi kier pa ta parlamentario o ministro.

PA CUAL PARTIDO MESTER TIRA VOTO AFO

"Mi no ta vota riba e partido di cual su Ministro a perhudicami, mandami te na pidi limosna cerca familianan, kitando mi for di trabao inhumamente, djis pa interes personal of motibo politico."
"Mi no ta vota riba e partido cu a pone mi tata perde su trabao di tanto aña, cerando e institucion (cas, negoshi, hotel, departamento of loke sea politicamente) caminda el a traha tanto aña, djis pa motibo of interes personal of politico."
"Mi no ta vota riba e partido cu a pone cu mi señora no por a haya trabao na gobierno pa cual e ta altamente califica y unico califica, y na su lugar a tuma otro persona na trabao, cu no ta lo minimo califica y ta core den rango di simpatisador di familia grandi, di e partido."
"Mi no ta vota pa e partido cu a pone mi ruman y dos primo riba caya, bao di pretexto falso politico pa elimina nan puesto di trabao pa un compania stranhero haya e parcela unda nan tabata traha, pa haci tal negoshi".

"Mi no ta vota pa e partido cu den pasado y actualmente, ta trata nos pensionadonan como ciudadano di "cuarto grado", tanto den nan placa di pension, cu nan no por biba di dje, y den cobra nan sumanan miyonario pa AZV, y tur sorto di belasting, na lugar di laga nan biba nan viehez feliz".

"Mi no ta vota pa e partido cu no por garantisami cu den un aña di tempo nan ta cambia e situacion aki, y riba dje, drecha trato medico y social pa pensionadonan y nos ancianonan".

"Mi no ta vota pa un partido cu ta permiti prijsnan subi dia pa dia mas y mas den tur negoshi, sin ningun sorto di control, y perhudica mi cartera dia pa dia".

"Mi no ta vota pa e partido cu no por garantisami cu ta baha prijs di gasoline, awa y coriente na mitar, den un aña di tempo".

"Mi no por vota pa un partido cu tin nos hobennan riba caya sin por haya un trabao, y ta permiti cu tur hende cu bin di afo, cu papel of sin papel, si ta haya loke nan ta desea."

"Mi no ta vota pa un partido cu ta kita mi tereno, cu no por dunami un tereno pa construi mi cas, y ta entrega esaki den man di hendenan cu no a traha pa e isla aki".

"Mi no ta vota pa un partido cu no por garantisami cu den 6 luna di tempo e ta percura pa ¾ di trahadornan den negoshinan di stranheronan, mester ta Arubano".

"Mi no ta vota pa un partido cu ta permiti hotelnan saca arubananan pa emplea 'cheap labor' y cu ta trata arubananan manera sushi" y riba esey no ta paga impuesto".

"Mi no ta vota pa partido cu no ta garantisami cu tur beach riba nos isla, rond di nos isla ta di Arubananan y no di negoshinan,— liber pa cada Arubano frecuente ora cu e kier".

"Mi no ta vota pa partido cu no por garantiza un sueldo minimo y pension di 2100 florin pa luna, pasobra pa menos ningun hende por biba mas".

"Mi no ta vota pa un partido cu no por garantisami cu den un aña di tempo ta mehora situacion di AZV, baha e tarifa di ORO cu ta paga AZV y mehora servicio medico y di specialistanan riba nos isla".

"Mi no ta vota pa un partido cu ta permiti docternan y specialistanan cobra tarifanan miyonario, sin cu nan ta examina patientnan, sin cu nan ta bishita patientnan den hospital y sin cu nan ta preocupa pa nan patientnan".

"Mi no ta vota pa un partido cu no por para e direccion negativo cu nos Ministerio Publico,— for di empleado di mas abao te empleado mas halto,— lo por bay aden, dirigiendo nos riba ruta di socialismo y dictadura bao di capa".

MI TIN MI CANDIDATONAN TAMBE MARCA

"Mi no ta vota pa un partido cu ta gaba cu bienestar social y asuntunan social, y no tin cu nes cu riba e isla aki tin decenas di familia ta biba riba "thee cu buscuchi". Tambe cu nan sa kende e familianan ta y no por hisa un dede pa yuda nan."

"Mi no ta vota pa un partido den cual mi ta mira cu tin candidatonan cu ta di familia "Ik voor Ik", di "mi interes na prome lugar", y cu ta conoci como "campeon di baile" di e ritmo "hende".

"Mi no por vota pa un partido cu tin candidatonan cu ta di interes propio y cu ta carga faam di Hod..., Pomp..., Freg..., Mah..., y "dornan", cu no ta preocupa pa ningun otro cu nan mes."

Mi no ta vota pa hipocritanan y demagogonan, pa despues tende cu ta mescos cu mi, y cu: "Soort zoek soort".

Juby Naar